

SEHLA SA LEKGETHO SA 2018 SA BATHO KA BOMONG

Sehla sa Lekgetho sa 2018

Sehla sa Lekgetho sa 2018 bakeng sa batho ka bomong se butswa ka la 1 Phupu 2018 bakeng sa basebedisi ba eFile mme makala a rona a butswa ho o thusa ho tloha ka la 2 Phupu 2018.

Matsatsi a makgaolakang ke afe?

Makgaolakang bakeng sa balefalekgetho bao e seng ba nakwana a se a tla fela kapele hore dumella hore re be le nako e lekaneng ho phethela di-oditi pele selemo se fela:

Kanale/Motjha	Letsatsi la makgaolakang	Mofuta wa Molefalekgetho
Ka letsoho - romela lengolo kapa leba lekaleng la SARS	21 Loetse 2018	Bao e seng ba nakwana le ba nakwana
eFiling kapa ho faela ka mokgwa wa elektronike lekaleng la SARS	31 Mphalane 2018	Bao e seng ba nakwana
eFiling	31 Pherekong 2019	Ba nakwana

Ho rwalla matsatsi a bohlokwa a Sehla sa Lekgetho sa 2018 ka kotloloho khalendareng ya hao, [tobetsa mona](#).

Dikeletso tsa ho faela kgutliso ya hao ya lekgetho

O se faele ebang ho sa hlokahale hore o etse jwalo

Ha o hloke ho nehelana ka kgutliso ebang tsena **TSOHLE** tse ka tlase mona di o ama:

- Ebang paloyohle ya lekeno / moputso wa selemo (Tlhakubele 2017 ho isa ho Hlakola 2018) pele ho lekgetho (paloyohle ya lekeno pele ho ditloso) ha e fete R350 000; mme
- O fumana feela lekeno la mosebetsi / moputso wa selemo se felletseng sa hlahlobo (Tlhakubele 2017 ho isa ho Hlakola 2018) ho tswa ho mongamosebetsi a le mong feela; mme
- Ha o na alawense ya koloi/koloi ya khampani/alawense ya maeto kapa lekeno le leng (le kang tswala kapa lekeno la rente); mme
- Ha o etse ditseko tsa dikgulo/dinyehlisetso tse amanang le lekgetho (mohlala: ditjeo tsa kalafo, dikabelo tsa ho beha meja fatshe ntle le tsa penshene tse etswang ke mongamosebetsi wa hao, ditjeo tsa maeto).

Ebang o na le qeaqeo mabapi le hore o faele kgutliso ya lekgetho kapa tjhe, [tobetsa mona](#).

Keletso ya bohlokwa: Ebang o na le Bukana ya Boitsebiso le Nomoro ya Lekgetho jwale o se o ka nna wa letsetsa SARS Contact Centre ho 0800 00 7277; tobetsa 3 (bakeng sa tlhakisetso e mabapi le lekgetho) mme o kgethe 1 ho fumana hore na o lokela ho nehelana ka Kgutliso ya Lekgetho la Lekenno (ITR12) Sehleng sena sa Lekgetho na.

Mokgwa wa ho boela o fumana dintlha tsa hao tsa ho kena (eFiling login) le ho teha botjha password ya hao

Mekgwa e mmedi ya ho etsa seo:

- Etela [SARS eFiling](#) mme o tobetse konopo e tala ya LOGIN mme o latele ditataiso. Na o lebetse lebitso la hao la ho kena (login) le password? O tla lokela hore pele o phethele motjha wa "I forgot my login name" > emela tsebiso ka imeile kapa SMS e kentseng lebitso la ho kena > sebedisa lebitso la ho kena ho phethela motjha wa "I forgot my password".
- Letsetsa SARS Contact Centre ho 0800 00 7277 ka dihora tsa tshebetso. Dula o na le nomoro ya hao ya boitsebiso mmoho le nomoro ya referense ya lekgetho. Tobetsa menyu wa tshebeletso 'option 0' mme o latele ditataiso. O tla romella password ya hao e ntjha ka imeile kapa ka SMS.

Ingodisetse eFiling

O tlameha ho ba molefalekgetho ya ngodisitsweng ya nang le nomoro ya referense ya lekgetho ho ingodisetsa eFiling.

Leba ho [SARS eFiling](#) > tobetsa Register > latela mehato e bonolo e 7.

Hopola, SARS e ka nna ya hloka dihora tse 48 ho netefatsa le ho tjhaela monwana ngodiso ya hao pele o ka sebedisa eFile.

Ebang o hloka ho nehelana ka ditokomane tsa hao tsa ngodiso, o na le matsatsi a 21 a kgwebo ho etsa jwalo.

Na o hloka thuso ya eFile?

Ka [Help-You-eFile](#), o ka fumana thuso ka ho tobetsa kapa ho letsa feela. Tobetsa letshwao la [Help-You-eFile](#) icon, amohela diphelelo mme o kgethe Call Me. Akgente ya SARS e tla o letsetsa e nto o thusa mohato ka mong ha o ntse o le ho eFiling. (Tshebetso ena e fumaneha feela ka dihora tsa tshebetso.)

Na o hloka Nomoro ya hao ya Referense ya Lekgetho?

- E fumane ho eFiling ebang o ingodiseditse ho ba eFiler. Ikenele feela mme o fumane nomoro ya hao leqephepeng la tshebetso la Lekgetho la Lekenno.
- E kope ka molomo ho SARS Contact Centre. E ba le nomoro ya hao ya ID haufinyane hobane re tla tlameha ho netefatsa hore e feela e le wena kapa tjhe.
- E kope ho mongamosebetsi wa hao.
- Etela lekala la hao le haufi la SARS. Ka kopo o tle le ID ya hao.
- E fumane ho tswa Tsebisong ya Ngodiso eo o e fumaneng ho tswa SARS.

Keletso ya bohlokwa: SARS e ke ke ya nehelana ka nomoro ya hao ya lekgetho mothong ofe kapa ofe, ntle feela ebang motho eo ke setsebi sa hao sa lekgetho kapa motho ya nang le matla a moemedi wa molao ho ka shebana le merero ya hao ya lekgetho.

Molefalekgetho wa Nakwana ke mang?

Motho ofe kapa ofe ya fumanang lekeno (kapa eo lekeno le hlomelang ho yena) ntle le moputso, ke molefalekgetho wa nakwana. Kahoo, bongata ba baamohedi ba moputso ke balefalekgetho bao e seng ba nakwana, ebang ba se na mehlodi e meng ya lekeno. Ho bohlokwa ho hlokomela hore ka ho fumana moputso o sa angweng ke sena, jwalo ka mehlaleng e latelang, seo ha se o etse molefalekgetho wa nakwana:

- Ebang o fumana tswala e ka tlase ho R23 800 ebang o le ka tlase ho dilemo tse 65; kapa
- Ebang o fumana tswala e ka tlase ho R34 500 mme o le dilemo tse 65 le ho feta kapa;
- O na le lekeno la akhaonto ya polokelo e sa lefisiweng lekgetho.

Ditokomane tsa Tshehetso

Ha o tlatsa kgutliso ya hao, etsa hore o be o na le ditokomanse tsa tshehetso. O ka nna wa hloka ho sheba ditokomane tse ding tsa tshehetso, [bala ka tse ngata mona](#).

O hloka thuso?

- Letsetsa SARS Contact Centre ho 0800 00 7277
 - Se eme moleng wa contact centre - Sebedisa boikgethelo ba '**Call-back**' mme akgente ya SARS e tla o letsetsa. O tla nehwa boikgethelo ba 'Call-Back' ebang o bile moleng nako e itseng. O tla koptjwa lesedi le itseng le mabapi le wena, mmoho le nomoro eo o ka letsetswang ho yona. Ha o se o filwe monyetla wa 'Call-Back', o tla fumana nomoro ya mola mme jwale o ka beha mohala wa hao fatshe le ho emela akgente e mosa ya SARS ho o letsetsa. Bakeng sa Sehla sa Lekgetho sa 2018, tshebetso ya 'Call-Back' e fumaneha ka dihora tsa tshebetso tsa SARS Contact Centre, Mantaha ho fihlela Labohlano pakeng tsa 8:00 le 18:00.

- Dumella akgente e mosa ya SARS Contact Centre ho o tataisa nakong eo o sebedisang eFile ka tshbediso ya [Help-You-eFile](#).
- Etela lekala la hao le haufi la [SARS](#).
- O ka boela o ba le seabo ho e nngwe ya diwekshopo tsa rona tsa lekgetho kapa o etele lekala la hao le haufi la yuniti e tsamayang ya SARS.
- Ebang o [lebetse password](#) ya hao o ka e teha botjha ka ho letsetsa SARS Contact Centre ya rona mme o latele motjha ona o bonolo. [Boha motjha wa rona o bonolo wa ho itshebeletsa ka bowena](#).

Ho fumana kgutsufatso ya dintlhakgolo tsa Sehla sa Lekgetho sa 2018, o ka itjhebela ditokomane tsena tse ka tlase:

- [Pocket Guide: Your No Sweat guide to Tax Season 2018](#)
- [Pocket Guide: eFiling for Individuals](#)
- [Service Charter](#)
- [Tax Rates](#)